

百靈聚會交會在此香火鑪前當願十方仙童玉女按侍蘭煙傳臣向未所啓之誠速達徑御

至真無極大道

昊天玉皇上帝 御前

出堂頌

出戶

道門科範大全集卷之八十六

道門科範大全集卷之八十七

靈寶崇神大醮儀

設醮行道

法事陞壇如常

各禮師存念如法

宣衛靈呪

五星列照 煥明五方 水星却災 木德致昌
榮感消禍 太白辟兵 鎮星四據 家國利亨
名刊玉簡 字錄帝房 乘蹕散景 飛騰太空
出入冥無 遊宴十方 五雲浮蓋 招神攝風
役使萬靈 上衛仙翁 與道合真

鳴法鼓二十四通

發鑪

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝
直符直日香官合三十六人出出者嚴裝顯
服冠帶垂纓關啓玄壇土地方域神真巨今
靜夜行道謹奏為宣其諸情悃已錄告聞
願得太上十方至真道炁靈寶瑞光下降流

入臣身中令臣所啓速達徑御

太上無極大道

昊天金闕玉皇上帝 御前

請稱法位

具位 臣某某等謹虔誠上啟

三清上帝十極高真日帝月皇南辰北斗三
官五帝四聖真仙演教傳經歷代師真聖眾
鄩都撒瀆憲府洞天水國雷司城隍溫部當
境廟杜應感一切眾真咸望洪慈洞昭丹懇
伏聞天道香冥惟德是輔神明正直與人相
依敬洗滌於凡心用感通於明德英靈如在
精爽必申恭惟
神位 護國庇民除害興利名刊祀典煥若列
星欣逢消吉之辰恭展肅香之薦與情共慶
庶類咸熙幸垂矜鑒之符少副勤劬之請

降聖

初獻

散花

臣謹同誠上啟

三清上帝十極高真離筵證盟一切真宰願
啟洪慈洞回清鑑伏聞惟神善貸救人而無
棄人至聖弗居不德是以有德以凡求聖則

疑於曠絕以聖格凡則出於慈光恭惟
神位得一炳靈降神下土剪妖去孽如枯木
之無難佐國興邦乃奮威之有健佳辰幸會
報德寧忘黍稷瓜花粗致欽崇之禮聰明正
直佇回陰陽之私今有詞誠謹當宣奏

宣詞 亞獻 散花

詞文昭告諒達聰明今弟子共激切虔祈曲
盡心聲之發洪靈不測有如谷應之期伏冀
臨在上而質在旁曲應凡庸之禱聽思聰而
視思敬俯垂莫大之恩伏聞自神自明禮載
前知之妙作威作福當明立極之端惟淵懿
之資深斯眇綿而作炳曠神明而洞照本睿
哲之流光恭惟

神位天躔分曜山岳英華既乃聖而乃神能
立天而立道威靈顯赫微號褒崇其確意精
修慈饋欽奉伏冀英靈如在妙化來歆監其
禮而錄其誠聽其言而觀其行神之愛予民
福無窮眾等虔恭謹陳終獻

散花
臣謹重誠上啓

三清上帝十極高真離筵證盟一切真宰咸
望洪慈俯回昭鑑伏聞人為天地之心無心
則天地空其用神乃陰陽之本亡本則陰陽
蔑其靈天不人不因人不天不主天人交感
則三才共治神鬼相符則一德潛寧恭惟

神位 與天為徒執古之道受上帝之眷命執
下土之絃綱惟我國家欽崇祀典無災無害

者覆之廟號有功有績者錫以徽稱俾能扶
佑於邦家迄又安寧於民社黠主共街恩有
日報德失時畧伸芳薦之儀用致心歸之切
今則禮周三獻詞不再陳祈大德之有容福
小民之無災而今而後罪若露而見現即消
自東自西福若河而值冬不泆道途平坦家
室安然官私口舌並消除火盜虎狼俱屏息
凡居出入長賴

神麻但恭等下情不任虔祝之至

十二願

復鑑

謹攝香官使者左右龍虎君侍香諸靈官當
令臣向來設醮行道之所自然生金液丹碧

芝英百靈眾真交會在此香火鑪前當願十
方仙童玉女接待蘭煙傳臣向來所啓之誠
速達極御
至真無極大道
昊天玉皇上帝 御前

出堂頌 辭師
送聖 化財

道門科範大全集卷之八十七